

四庫全書

集部

欽定四庫全書

集部

至正集卷五至九

詳校官編修臣錢樾

侍讀臣孫球覆勘

總校官降調編修臣倉聖脉

校對官修撰臣戴衢亨

謄錄監生臣趙應鐸

欽定四庫全書

至正集卷五

元 許有壬 撰

古詩

八夏四旬不雨駸駸成災五月二十四日沛然一
犁民以為不足越五日大作盈尺喜而為詩

余髫事涇穎嘗有喜雨詩而於可喜處藐然寧真知去
年忝充賦射策班龍墀黃封醉未醒承恩倖夷儀民事

足纖悉毫髮慚無裨豐年或苟安奈此將阻飢恒暘亘
朱夏田拆紛如龜稼穡人所天播種力已疲禾苗既出
土疏花亦歲蕤曾無旬日間青青變黃萎麻黍皆寸許
蕪穢傷不治野夫指相告天欲腴我脂高地饒甌窶瀉
鹵荒其卑雨暘悉時若歲事猶難期况茲魃肆虐朽腹
行奚疑我心焦若焚重以膏沃之何由訴真宰坐視空
嗟咨曠職咎有在斯民焉取斯又訝爽惠罰好惡遂逆
施豈知隆平世壽域開無涯一機默運轉萬象回雍熙

神功太穎脫風雲隨指撝須臾顧平地黃流蓄如陂拔
苗驗燥濕新根生玉絲輿情尚未愜謂此纔微滋龍公
果不靳天瓢竭淋漓黃萎復青青垂死逢良醫官府洗
罪譴問閭息流移今朝吾所喜真知匪當時胥輩言囁
嚅雨皆山神為重糝茲已具盍往酬神私搔首謝吏曹
別駕方撚髭作詩志吾喜冥冥何暇推

從賈師敬假琴

宓子尚清靜政化鳴琴間景仰固慙德民淳幸多閒舜

桐如見假趙壁却全還未能效昔人且用樂溪山

哭劉庸齋

游京早識公一見辱青顧踵門常倒屣有核往輒具公
為山北憲飛章引庸孺操觚侍益親造請無旦暮每逢
冬仲時歌詩頌初度別來未三年忽復廢薤露良材今
其樞天高莫哀籲粹溫瑚璉器秀瑩珠璣句力能勝重
遠色不形喜怒十載歷名藩在在歌五袴芳名誠獲知
豐碑鬼神護攬轡遼海秋澄清了平素姑蘇勞卧治春

風滿嘉樹深惠竟弗終民瘼今安懇百身寧可贖長往
不少住功在死猶生脩短自天賦但悲如伯道傷哉漫
三娶天道是耶非有德乃弗祚城南公先塋蕭蕭白楊
路當年屢從游豈意公今祔臨哭嗟無由微官拘跼步
作歌寄予哀用作貧者賻

觀躬耕秋地

行郊攄滯慮目至意已適黍實數如扇禾穗長過尺我
飢雖有涯垂涎勢已逼舉室百趾餘眈眈朝復夕有官

不療貧勞心且勞力昔賢起躬耕車徒坐傳食牙鯨既
通守耒耜尚未釋但期歲有秋如坻見露積豈惟弭腹
雷庶免刺不穢宴安隱鴟毒侃也猶運甕無愧食乃安
一飽皆君德

弘襄王希賢齋扁誠意乃弟希憲郎求賦

堪輿大無際眇已乃中處與參非此心傾欹孰撐拄虛
靈妙不測捕影竟何所念慮一發動昭晰露端緒實力
少未殫圖方亂規矩是猶虞機張括度斯釋弩充盈皆

至善毫髮絕過舉遂令天下平推極效乃許彼美三槐
裔弘襄見翹楚起廢學已神稽疑逆如覩扁齋資警省
實副名有取窮達命自知含光樂環堵觀乎卜醫中誼
也聞自古難弟尤可人清風振烏府談兄膝頰舌徵題
滿黹楮何年遂獵纓詩成先備糒

送馬州判歸冀州

維轅僻在山民朴易為理庸才獲已多得朋况兼美君
侯冀右旋高門映桑梓天戈昔南向驍勇萃蜂螳若翁

奮臂出風霆入鞭箠元戎資出奇長江遂平履洪惟世
皇朝一命不輕委酬功嗟獨異世祿倖鄉里跂仰勞夙
心天教見吾子協恭無少疑三年事如水公餘日相從
聯鑣窮硯嶺漳濱春釣魚箕嶺秋射雉為歡未云足歸
騎亦何駛人生貴有別脩程此伊始行山莫憚遠香風
簇桃李同官古所敦相思有雙鯉

秋丁隆興廟學釋奠

營洛奠神臯改邑民用遷睠言茲黌舍廟貌仍儼然經

筵餘敗壁土榻寒無氈儒服二三輩薦享來聯翩多儀
固未備至誠即牲牷羊存禮斯存隆殺時有權漢興未
綿絕過魯猶拳拳聖朝尚文治新都萃英賢成均不日
建道德行開延洋洋齊魯化坐看周八埏

送張教授歸省

沍陰地無春况復當窮秋霜飛白草盡野迴蒼烟浮
噉度寒鴈游子深鄉愁匪厭官冷去倚門憐白頭孤雲
西南飛行邁心悠悠鴈門接太行山川鬱綢繆朔風吹

征衣清茄動離憂
臨岐復屏營
君歸我仍留
贈言冀適
返魯泮行當脩

次高辛甫出都城韻

余年昔未冠
南紀窮迢遙
胸藏史遷書
氣靡相如橋
長吟洞庭野
天遠風蕭蕭
自知有毛質
奮欲摩層霄
太行拔萬仞
醉筆雄相驕
云何遂局促
弭耳居今朝
屈信道
有在奎壁行
昭昭

寬河道中次前人韻

人生在羈旅百感日咸集好山獨相慰馬首青岌岌地
寒春不知萬木凍僵立悲笳咽荒烟牛羊散平隰反瞻
孤雲飛鄉思杳無極青精不成采坐睹憔悴色奕棋念
往事俯仰成太息三年尚不飛負此排風翼遠意良悠
悠天耶果人力

灤陽早發次前人韻

行山不憚遠破曉陟危峻崖懸水成瀑雲出山有暈商
聲發寥廓吹萬氣方振艱虞復有樂詞源日加濬關河

一錦囊風霜兩蓬鬢但慚抱堅頑犀革未易鞞搖課
脩程茫茫付天運懷哉山中人南鴻杳無信

謝劉彥昇惠猫及詩

含光事賤役醉夢迷簡牘贈我千兔毫獲此升斗祿鼠
輩不相貸恣飫飲河腹瓶罌藏幸堅百態互起伏跳架
嚙我書走樵穴我服君家有狸奴二子報新有買魚擬
禮迎惠然送弊屋副以雲錦篇五色爛雙目且云防內
耗寓教深含蓄竊時何足道行見赤其族珍重養生言

拳拳請三復

送州吏張恕赴憲司

作憲需羣材有類構室堂棟隆固勝任根闢仍資良余
始倅郡來吏進鴈鷺行披塵鼓凡冗亂目紛厖涼恕也
居其中意氣獨軒昂一見已足懽細較兼多長身卑趣
甚高事得常加詳柏府揭冰鑑取善及毫芒公論出莫
禦霜風肅飛章爾今蛻濁穢變化猶蜣螂爾勉效蟬
風露非膏梁慎勿小易盈奮臂劇怒螳養爾拂雲翮萬

里貯一翔貧者無贈金有言當莫忘

陳芝田寫余真對之小酌戲成

今日我與汝相看各華顛亟呼尊酒至我飲汝茫然它
年我長往酒但酌汝前悟此一大笑沽酒休論錢

題張圖南松風亭

吹萬不同處從知非為風有木無竅穴何聲來半空清
寒灑飛雪哀響吟老龍莫將大夫爵負此大王雄

劉須溪父子三人畫像

翁文幼所嗜但恨昧平生歲晚遇圖畫眼明瞻老成季也篤孝弟老猶從父兄世儒有若此何用羨徐卿

徐復初種雲堂

種雲事幽討邈與世相忘只可自怡悅更為誰飛揚出岫本無心為霖亦何傷慎勿陽臺下朝朝從楚王

至正壬午二月復科知貢舉有感而作

文運如日月陰翳容有時長風倏掃蕩光彩曾何虧又如泉始達有物或窒之一朝混混出萬古流不衰聖皇

復文治碩輔登臯夢今年適大北充賦來無遺南宮舉
百廢部署嚴諸司主文號具眼妍媸析毫釐小臣親奉
詔肩頹力難支回思三十年試藝實在茲竊祿愧未報
鬢髮嗟已絲作者七人矣碌碌予何為但期歌有臺太
平此其基他年至公堂萬一徵予詩

和劉楚奇浮雲道院二十二首

名實劇形影有實寧無名義利判金羽義重利自輕真
知加定力首在明吾明之子學有得雲哉聊寓情

壘空在大澤眇已參兩間廣居闢高明正路辭間關漠
然空中物何與吾堂顏于以況不義將無同我閒
達人本無求所求在真樂致身戒卑汙空中好樓閣秋
實成昏勞春花早刊落如何穹壤間蠻觸有兩角
昧道徇利祿醉夢迷黃糧醒眼見大意點也初非狂千
金等棄屣六藝供漱芳大聖有明訓知微萬夫望
進德貴不息豈羨六十化水哉非浮雲過續無晝夜誰
令墮智井自棄尚自詫君看一撮土振海仍載華

上天賦我形所期不愧天暝途遂利慾膏火攻相煎歲月難把玩俯仰已百年況復非其招紛紛亂旌旗

雞山屹堂上驚溪走堂下天與景已豐而吾又多暇所以村酒甘到手即空筆說似輕薄兒我豈東山謝

山川託深厚貨產無盈滿予心日休休世態自冷暖神仙多官府禮法足條款歸來捫吾舌談道未遽短

達觀宇宙內巨細森萬有有形既不同孰妍復誰醜來者方無際往者不可咎浮雲爾來前爾今在吾手

淵明初無營偶爾植五柳戲作標榜之千載駭黔首吾
心不在物思古惟尚友九原如可作還肯下交不
一身要歸處萬事皆偶然道院有佳趣春風四時不
見恃恩者中道多棄捐求魚江海濶從此木休緣
因書欲求道條爾成白頭未免日謀食嗟來肯承羞賴
此自勞力倉箱見豐收樂哉復奚疑一壑仍一丘
淳風遠黃虞烈士薄殷周世降得幼安奮身到龍頭可
笑植橘人未忘千戶侯予身亦多事酒盡須更謀

大明麗中天春意盎萬國區區衡茅下一飽皆君德出
門便多虞避言且避色歲寒誰相知鬱鬱澗下柏

浮雲吾語女人謂女無心胡為曾作雨世事乃欲任我
屋本無女清泉抱幽林待女時粉澤悠悠何處尋

力田冀一稔攻書篤三餘幸有二頃田復蓄萬卷書村
樂亦云至時讀時耕鋤故人來共酌摘蔬登土酥

素位非出位得侯還失侯由來豪傑士有志難盡酬小
人願為圃得飽不得秋寧當作焦尾慎勿為焦頭

人言世間事十九不如意在理此亦常得友姑與醉清
風明月天假爾同此世宜乎歸來人涉園亦成趣
東風昨日至滿目發紅綠今也何有餘昔也何不足平
生多因人詎敢辭碌碌百年未可知且樹十年木
少年江湖行波濤足震怖歸來念同游太半已物故因
之悟已往何往更不悟忍將好歲月漫浪付道路
年來頗好淡醉中亦逃禪開口但納酒搖尾休乞憐燎
原固熾烈難使寒灰然咄哉爾浮雲爾去吾觀天

至寶不可棄奇貨不可居桑榆既容收何慚失東隅富貴如浮雲況不浮雲如若究雲之極須與天為徒

王仲方總管餽羸未能飲齏以羊乳之相從如母子感而為詩

后稷字牛羊子文穀於菟聖賢天實相且示與物殊北平詫貓乳同類宜相孚董家雞哺狗隆瑞動鉅儒螺羸取螟子羣鳥尊鷗雛是雖萬不同皆非人力毆林廬富叢薄春羸走山隅野人捕得之不忍烹幼孤脫胎却幾

日未省水與芻牂羊方有達脹乳流膏酥捫角俾字之
牂怒麋趑趄日月既積狎遂與母子俱麋遠牂必求牂
遠麋必呼只恐麋漸大跳梁莫能拘豈矜字乳功念牂
老而癯恰如伏鴨雞與牂等勤劬鴨行自入水百匝勞
跼跼人事有時窮天理終不渝感物為興悲往訓不可
誣其心非我類能免其冀乎

題韓醫梅齋

韓知太素脈

之子心太素復愛梅清妍自知心與梅同有太素天水

月影中影乾坤玄外玄相逢莫多語且醉梅花前

晚行周氏小園

閉門作書蠹好春都不知桃花落已半棠梨開幸遲步
屨及斜陽胡床俯清池放志欲忘返林樹月參差

失鶴

瀛海得雙鶴稚翎猶未全買舟偕南歸待之如二仙玄
縞日以長丹砂日以鮮銜筆恣攢攘學舞爭踟躕明初
尤愛之日夕相周旋致陰旋栽竹供飲專鑿泉為爾呼

庚癸玉燦明珠駢一朝一忽去棄侶何愁然月明照隻
影踽踽殊可憐欲鳴誰與和欲舞誰與聯豈爾不安分
適衛求超遷或遇藝琴人見爾流饒涎烏有已七日華
表如千年邈求疲僮僕徵卜勞筮筮消息竟無聞憂心
殆如煎作詩慰明初用繼亡猫篇

鶴去十四日而歸因次前韻

養鶴事幽討世事難求全一留若戀主一去如登仙念
之不能釋對食忘肥鮮乾坤大無際何處容蹉蹉恨無

列子術御風叱回旋雲霄勞夢寐景物孤林泉昨宵燈
有花來慶肩應駢扣門忽抱送見我鳴戛然乃知值拘

缺

至正集卷五

欽定四庫全書

至正集卷六

元 許有壬 撰

古詩 五言五十二首

九月五日病起至洹堂得十韻

涉旬不可風齋居夢林谷羸馬從二僮茲焉藥云勿自
慚似充隱繞屋學種菊昨看青蓓蕾倏爾爛芬馥麴生
方入務采采滿盈掬積陰蕩澄空浮暉動霜木西風何

金少曰居三言
卷六
處來披我一溪綠振衣立雙崖人間此幽獨為懼戒遲
暮騁懷亦聊復邂逅識悠然南山在予目

和郭子敬祭酒由田舍還城居詠雪四首

臘前白未三膏澤入土淺天意急發生滕六起罷輒初
陽力尚微着物若絲緬不資大設施勾萌曷蕃衍剪刻
竭銀潢嶺峻變瓊巖有懷願年豐幽憂頓消遣乾坤塵
垢盡山川畫圖展吸清茶自烹翫潔簾自卷映空似虛
無因風尤宛轉平吳非我事泛剡尚可勉當年曾從龍

天門通管鍵澤物愧無功歸來守疆畝樂土適吾鄉流
民來濟究飢寒號里巷狂走如越犬推食嗟不能敢恨
几生蘇方將學蜩縮誰復問牛喘先生瀛洲來士林仰
冠冕樂天有追遊尋景無煩舛平生幾乘軺用世真未
免懸車萬事足有田從不腆遺我白雪歌酖誦劇淫酒
更待新亭成琵琶聽擺撚

陵坡度高寒溪光涉清淺郊行景有會詩成語無賴錯
錯路不分茫茫勢逾緬閉門笑袁安談天睨鄒衍林慮

亘中天萬玉甃疊嶽全勝當野求清遊殆天遣吟鞭裹
空闊一笑驥足展虛明銀海眩爛熳白波卷濛濛疑絮
浮團團忽毬轉穴井露混沌出簷堆黽勉人窠炯不夜
瑤京豁無鍵夏翟變振鷺供正失羽畎既混九點齊寧
辨五星究搏聚出狡獬曾不及卉犬老松半身濕餘潤
浹皮蘚有人發鴻音萬籟息號喘曹館隆阜比嚴宸親
袞冕五車施已多百行動罔舛俄引一鶴歸豈類三公
免良辰但賞心治具不求腆蹇子慕高風有酒何暇酒

借公如椽筆忍凍時一撚

數雲穹窿合料水河漢淺山木立清堅街塵失紅輦一
壺太素天上古孰云緬彌綸均隆汙粉澤徧墳衍浮生
多白頭何事到青巘前墜漸舒徐後驅復排遣紀瑞手
屢呵愁饑眉遽展遠勢結方陣長風忽斜卷乾坤萬彙
新陽和一機轉作賦休矜才澡德敢不勉彼美金閨彥
石室曾扣鍵遐思寄滄洲高情薄岱畎筆力追秦漢道
原濬鄒兗尤敦鄉黨義推愛及豚犬我如檠株駒書印

滿碧蘚斗山茲有仰籍湜走且喘日光玉潔中裁裁見
玄冕年高德彌劭心從出靡舛醉狂有振觸容衆吾知
免學海富玄酒酤我謝荒腴挹彼還注茲消滴沾已酒
但笑繼晷吟燭盡紙仍撚

陰崖積猶深陽坡釋將淺新陽行故實剗風散輕輦枯
木吐異葩長林縈素緬兆年必大有占數辭太衍周陸
連水郭保障沍雲巘素娥列萬仞多應帝所遣來翫人
間世大地瑤席展練悅忽不收縞裙時亂卷至人無內

熱丹鼎謝九轉汗穢固云蛻消融更加勉因笑泥封闕
何如玉為鍵歐公昔守潁俗易民安吠白戰聊自娛那
知後封充千載思附驥一吠憐學犬憶昨廣寒宮璫瑜
踏翠蘚吐氣曾激昂幾人竹筒喘廣廈侍講誦太室陪
黻冕滕說妄自信流傳遂多舛田里雖幸歸飢寒虞不
免來年遽在眼天賜一何腆高歌時類狂淺斟未至酒
衝寒出探春柳線金已撚

題汪審齋霜鍾嶧琴和虞伯生韻

巖栖養貞操意適物無爽何處鐘自鳴清霜肅宮壤悠
揚林壑間融液弦徽上嶧陽有孤桐豐山絕遺響撫弄
不在音飛鴻入遐想從渠聽者稀但以心自賞竿瑟莫
求齊王門足羈鞅

送姪杞回江夏

修身誠為本顧行言乃宣治家儉是主率下身當先
則身自棄奢則家日媮爾幸無此疾吾藥強爾痊我家
本寒素插架皆塵編先公手澤存能讀汝乃賢勿矜叔

有官勿恃家有田緩急汝或過吾詩汝韋弦

次韻韓伯高叅政見寄詠黃楊

守氣縮斯盈安步後是前乃知黃楊木斂束遲逾堅人
言閏為厄豈識增春妍慎勿作印章標榜成奇偏

次韻伯高見寄自述

索居利幽迫野性安放逐得失謝雞蟲交遊有麋鹿璇
穹豁羣陰陽光彌九服區區愧螢爝遇夜聊自燭不須
飯青菁時還斲黃獨將軍飽自笑未覺負此腹梅翁況

有寄千里及泛菊勿云秫湧貴今歲定太熟

食槐花

庭槐老能花色與秋俱妍涼飈動萩萩金屑堆鮮薄言
頃筐堅湘以清冷泉薑鹽與宜之粗熟正味金芳日發
齒頰小苦見本然少陵賦冷淘每誦輒垂涎英華遂饜飫
視葉嗟更賢憶昨為爾忙計吏催先鞭一第得逾分厚
顏對葦羶歸田日藜藿老腹常便便見爾如故人況與
鮭菜聯人言有奇效益此衰暮年頭目祛昏眩手足已

踈攀健步事林壑洞視攻簡編南柯夢已斷口腹尚有
緣養小成醜繆一食徒萬錢

獨樂臺馬廷彥席上次明初韻

旌孝矗華表承家推肯堂親遠心益邇身立名尤彰學
海觀波瀾藝圃恢封疆索居念晤語塵俗嗟未遑一日
復一月三來涉三霜山醅熟小甕我馬陟高岡野意似
孤鶴茲焉愈軒昂同行有佳士雄辭軼班揚出網得珊
瑚舉瓢酌天漿風景迫九日林葉紛半黃百年貴四美

萬事付一觴真假悟夢鹿書博皆亡羊我田才二頃五畝松菊莊相望隔洹水逸興詩飛翔可憐無心雲亦復戀太行雖慙長者車紀休偶成章簡編永無蠹桑梓曄有光從今堂上月千載照吾鄉

羊脂杏花次明初韻

枯枝凍欲折一旦駭衆目伊誰奪天巧春意闌雪屋鼎殘幻形色能美不能馥紅糝密綴梢鉛粉薄映肉髣薄十斤尾昆刀幾重玉烹魚本自勞餘事及贊育吹香謝

吳二爭妍值滕六稀魚膏適用嗟此及草木滑膩真凝
膚鮮明新出浴近暝虞消融移瓶避朝旭分餘成美
觀未覺雍伯俗珍賞乏魚鳳山酒雜野蕪胃酥映多葉
熾禍不可撲結子堪作丹仍共玉環服此花幸免此相
對一笑足溜灘有古林高臺九霄觸芳潤流萬世濟惠
逾百穀蠟言當刊華羶德先慎獨我方事繼晷燈火待
膏沃根茂實必遂拳拳須自牧

冬菊次明初韻

衆芳困搖落梅獨稱暄妍有美不自閔戰寒為兩甄成
冬在閉塞民隤愁冰天豈知宇宙內賦授藏奇偏東籬
有積雪南山失悠然挺挺出佳色灼灼照綺筵諒非
厭九日欲讓蘋紫先有徒寔衆勝糠粃任在前候雖辰
月令氣欲無褻年貞姿稟黃中凍蘂含碧鮮遲速各有
時勿謂人力專歲寒論交游松竹相蟬聯昔焉推三友
茲也成四賢何人譜凡品同異殆白堅淵明不可作欲
辨真忘言荒涼著持撿自信肯自憐且幸蝶不知誰羨

鶯喬遷隱逸分遲晚障護香色全
飡英用療飢大勝咽
雪羶顏顏定可制食蠹猶能仙

謝吳閑閑宗師寄鶴氅衣

逆駢欲遺世異服事繆悠恭也差可觀
未是真仙儔因
服究其衷有懷小竹樓一時示蕭散
千載瞻風流鄙人
冒朱紫因循成白頭衣錦不尚絢
帶宜承羞歸來作
褐父敝緼寒無憂老仙獨不棄
謂可同真游解衣遠衣
我意重千金裘高義固多感
濁骨難崑丘披之焚香坐

世慮忘驚湫神仙未能學願學王黃州

次韻薛壽夫見寄夏夜偶成

漏斷月未午微涼生破幃起步庭樹影尚欲何枝依平生愧百拙偶巧是勇歸故山差可樂更喜賓客稀為問畫錦榮何如芰荷衣所遇苟獲安萬事皆忘機

避暑岳祠追和揭學士韻呈張困亮提點

都門東二里有宮如上清炎氣漲人海乃見白玉京園果出新脆冰盤明水晶虛閣境既闢低垂氣為平連棟

深月窟玄林挹瓊英遺世固獨立愛客仍多情樹影正
已斜蟬聲斷復縈聽爾羽衣曲陋披子晉笙人生貴適
意何物為寵榮明朝又城府狗苟復蠅營

題訾仲元孝義詩卷

臺掾訾德明父也

顓蒙錯恒品孝弟均天衷嗟彼陷溺徒偃偃劇盲聾率
性見若人力踐由吾躬子職盡終始里仁治瘼痼百行
既有原推擴宜無窮遂令鄉閭間寒谷皆春融天家急
彰輝華表高摩空積善後必大佳兒行亢宗伯府試鉛

槩揚揚播清風
輟鋤慮德色
汚俗應躋隆

八月廿日獨坐明初齋前

醬臺秋未深
雨歇風日美
斗室滿琴書
清晝門不啟
庭空走已永
潦聚躍丁子
涼颼來謾謾
豐草動靡靡
佳人暮何之
杖履獨徙倚
素襟幸自愜
孤念定無悔
徑荒差易治
手鋤漸料理
此不求同聲
姿年已如此

題周伯溫玉雪坡亭

玉雪取譬梅
論色非論質
堅白將無同
磨涅孰爾釋
孤

芳冠百卉歲晚見特立胚揮先天春具體未畫易詠歌
及影香萬漏才挂一西坡據形勝嘉名任汾襲絕彼官
府誼專此山林僻栽培閱三世貞潔著一德孫枝尤挺
出籍甚騰茂實寄聲玉雪坡未許心鐵石

次可行泛舟韻時吳安之遣人治具

膠榮四十年弛擔甫天放雖云在人境心遠絕塵埃況
茲游騁地秋色入四望卉木已向榮雲水自相盪窗虛
得山多臺高知野曠清泉來汨汨節制無暴漲何須過

前川園有花可傍玉肪薦肥羜銀漉注新釀時廢孺子
歌底用小海唱龜魚共游泳鷗鷺來翺翺并分亦何常
小大各有量子房屈圯下高祖隱芒碭君臣倏際遇功
業驚洽暢挺然三傑中奮乎百世上一朝事辟穀身外
物皆長乾坤任俯仰形骸貴放浪萬事雲悠悠一笑天
蕩蕩鶚謝累百薦龍戒上九亢人生幾雨屐芒屨乃兩舫
徒令方寸心寂寂復行行吾年今如此出入必扶杖故
人念衰老千里牲酒餉自鼓煙波棹永稅塵俗鞅境勝

夢且清位失道未喪誰言管城子初非食肉相興來使
陶寫形役豁惆悵苦吟尚作崇樂飲不為恙學易免大
過勿藥喜無妄厭厭詎可極明河月溶漾庶足克淹留
還如李公訪

次韻可行記塘上草木二十四首

吾家青牛君伯仲龍矯矯不似丁令威暫來立華表鬼
神護斧斤風霜幾昏曉摩挲左紐文曾見陸為沼

徂徠以多賤吾圃斯拔萃遠從它山移清與幽境會樂

天才四十裁爾已興慨吾年六十三方期翠成蓋

長公有名言不可居無竹僕僕斲蒼苔森森植寒玉聲
來書幌清陰入酒杯綠何須更晚食此君足當肉

春風為花魁先路來枝南但憐結成實能酸不能甘世
味不可口根在吾何慚年年共雪月華我徑三三

蒼官昔多事乃與羣鳥隣何如在圭塘亦勝居神困老
根已作石霜皮不成鱗不用歎不遇叅軍能寫真

朝來花斬新暮雨墜紅濕藤蘿助奇觀羅帔層層碧昌

黎性苦隘政爾要蒙畧一笑問秋乎還能誨人奕
枯樹影在水浮動如仙槎昨日春意開今朝雪滿沙
榮悴等兒戲老懷無嘆嗟作實助散咏明年還看華
有木知尚時手植日向榮無忿底用蠲聊用寓野情
亭
亭蟲翠葆毵毵散紅纓青裳勿異字姑以合歡行

濃綠千萬枝火齋中貫穿山人晝眠起銀海日俱眩
燥
叨行可濡寒裂紋玳絢無賦繼殷元虛塵翰林院

曉涼振弱體月墮東方晞香塗漢宮額潤展華陽衣應

朝通明殿金杯承露歸道粧豈余媚池影動清暉

司花琢清貞不掃幽人髻叢爾草堂陰香輒百畝蕙月
露暎水壺美芳集磴磴著我沉水鄉庭前更叢桂

披披青羅扇數陰圭塘阿夏窗雲影薄秋枕雨聲多翰
墨聊復爾風霜其若何休教近湖石掩暎美人歌

異卉非外生綵纓殆天就驚風振細葉宛若三市鬬赤
幘不煩憎縛賣孰爾購因之記昔年聽聲趨待漏

雨後業甲生俄成尋丈樹誰名鴈過紅綵纈無不具環

池爛雲錦吾圃遽爾富呼酒亟賞之秋光欲寒露

花仙何許來嫣然立沼上香霧晷曉粧濛濛九華帳勿
令苦幽獨就賞時策杖秉燭夜莫歸春去無羈鞅

蜜脾擣簷蔔成此佛面胎黃中色可尚沉在雪裏開盜
名匪獨我伏神出芋魁幸無調鼎實聊用侑山杯

園丁功力深春榮到由耕花開月更明溶溶白雲過紫
實待舍津囊承躬採掇莫羨鄴侯燒且浣長卿渴

人生念慈親堂階多樹萱忽隨靈椿化冥漠俱高騫此

憂詎可忘肝摧不能言對花差自慰白頭還抱孫

昔人避秦亂川原多種桃我幸遇明世栽培胡自勞看
花食其實為圃豈不遭疎懶強鞭策猶勝宅不毛

清夜游西園皚皚白雲堆東風苦愛惜不遣過牆來何
須領張徹且復傾我罍茲焉不省錄寧免長姬咍

人間隱逸花開發宜遲暮三徑連松陰百繞穿葛屨秋
容淡籬落寒香入毫素掇英泛濁醪盆甌親挹注

作甘最夏果其耐招衆禽禽啄吾不惜曷酬儻地金呼

童日毆護青紅猶滿林禽飽人亦飽於焉獲我心

造物眷花王擇后降嘉種英華得既多加以人力壅楚
楚御衣黃遂冠羣芳寵羣芳各有匹物用曠而捧

開元得四本花本茲焉張衆色各有態世獨推其黃我
非富貴者胡為植圭塘天教風露夜受用一庭香

塘上草木續詠六首用楨韻

涼飈動空碧脩枝振高青張幄却炎暉交陰可中庭不
煩位三公政爾宜冷卿南柯莫記夢陋室方為銘

幽人非浮屠日日戲桑下愛其濟世餘重綠芘朱夏昔
賢事游觀竹木萃綠野繼踵吾不能但入老農社

靈木享遐算異質稟至仁後先八千歲才是秋與春蒙
莊發揮後塵世閱幾人吾材寔樗也賴得爾為隣

託根鄉社門遠迹關塞上春莢羹萬錢大勝食方丈東
隅何失之收之敢高尚歲晚澹相看萍蓬謝飄蕩

依依長條漠漠迷小院縈風輕作綿穿露巧為線不
復管別離招鶯更留燕會看成車蓋吾圃有餘羨

花部愛君子移栽未逾年生
意自邕達主人豈花仙初
日爛雲錦靡曼知幾千
遠觀敢褻翫柳陰維小船

和李仲山叅政見寄韻

軟語慙炙轂直行昧抵巇
一退願始足四序閉皆宜
秋鷹遂脫鞴野麋寧受羈
好道苦不早晚家隆慮陞
喧無車馬至淡有琴鶴隨
飛來雲錦篇賞音舍公誰
詠歌樂舜日不用望九疑

次韻可行登冷然臺

輕風水無波落日景逾好憑虛思橫生萬象困搜討窮
睇眼未花得意詩不草勿謂城郭近下有往來道心遠
地自偏興來無灑掃收藏千鈞弩莫用穿魯縞悠悠歎
浮雲翩翩羨歸鳥一任坐井徒譁然說天小

至正集卷六

欽定四庫全書

至正集卷七

元 許有壬 撰

古詩

七言二十三首

許國文穆公東封加食邑告身其九世孫湖北憲
行人呂伯溫求題

攬搶掃盡五星聚太平舜日方禺中有龍渴睡忽驚起
八荒雷雨天無功平生學術匪黃老但以清淨恢皇風

三持鈞軸一夾袋四海人物歸包籠功成勇退挽不留
洛川雲卧春冲融祥符天子當東封慶成需澤均臣工
進封加邑恩固渥此心已逐冥飛鴻汾陰歸來駐六龍
門闌炫耀霓旌紅老臣已分先犬馬擇相為君言至公
至今綸誥有神護世變不與浮雲空天章鸞錦爛五色
想見捧出蓬萊宮耳孫令器試憲屬祖德種厚收宜豐
青氈何物且念舊至寶肯使塵埃蒙由來世守在聿修
願言什襲傳無窮

題南谷平章畫象

河南王孫謫仙人騎鶴來翫人間春
控搏萬象筆有神
清冰寒玉誰能塵貂蟬圭袞推世臣
顧乃寬博烏紗巾
良工寫意不寫身蕭然印出蓬山真
它年霖雨周無垠
歸來南谷秋嶙峋烟霞為友風月賓
野服坐挽羲皇淳
漢家政爾圖麒麟

觀漁

篙師百趾悍如獺數罟洿池圍四匝
小魚幸免醉渾濁

金八日人三
卷七
大魚勢窘鳴撥刺健者逃生時鼓勇登岸噉喙鬻折摺
老鰕空排棘刺鉅巨鮎難恃腥涎滑江河出入豈不慎
鱸槁兩途繞一霎鼎宜薑桂登腹腴方丈飽餘惟小呷
任公夸誕已素知如棠況有春秋法區區口腹敢累人
養小因循成好殺蒙莊誰道絕物者我見濠梁心不恕
主人笑我何小慈乘舟更射春江鴨

贈相師沈湖雨

我聞西湖天下奇風景晴雨皆相宜有人厭晴太妍麗

却愛風雨昏冥時天工一夕辨歲事紛紅駭綠春離披
先生醉卧忽驚起妙趣不許他人知竹枝蕉葉送清響
簷花簾影搖清漪乾坤一段真水墨勝處可與浦仙期
盡收清氣注雙目所遇無復差毫釐江湖汗漫二十年
短篷窗下還聽之倦游舊隱頻入夢便欲踏浪尋吳兒
西湖它日我亦往君當携雨來催詩

題李國瑞雪洲

遠游早作觀光客十年慣看燕山雪廣寒宮殿倚天開

晁朗瑤臺連貝闕北風吹落銀河水一夜乾坤變虛白
瀛洲俯瞰島嶼空山下皚皚成一色小臣給事曾上天
凡骨脩然清欲徹南來苦熱願恒寒每恨無冰愆歲律
今年人道定豐稔臘前三白將盈尺幽人高卧鵲山下
起看鵲山渾不識却從山頂望鵲洲大素無垠玉無隙
此時心境忽有會但覺清風生兩腋忍寒不顧玉樓粟
方喜詩從天外得雖非孟浪剡溪游習氣頗有王家癖
從今便號雪洲人已具小船青箬笠

牧菴姚先生贈相師梅淵泉詩淵澄如止水泉活
有餘波梅到清香處君應風味多商德符既為畫
之且求予詩云

牧菴老僊善游戲贈詩專詠君姓字壽巖喜畫今獨步
又寫姚詩入縑素姚詩商畫真二奇有聲無聲人自知
梅君挾走半寰宇玉關豪傑皆識之怒人及蟹世固惑
惜君真與梅無別萬里歸來舌尚存七旬向上頭無白
江湖眼力老更神品題也到山中人山人無意問利達

金匱要略卷之七
見君但問西湖春

題商德符為梅淵泉畫清江圖

秋江千里快一瀉目盡雲林認平野明窓展翫為釋然
況是當年身見者若人自非詩中仙定知胃次無此天
可憐衆史恣塗抹兎魚未得空蹄筌我登鶴樓望江漢
恰似壽巖圖上看有時風止水鏡平便棹酒船游汗漫
梅君收斂江湖蹤過我翠鵲烟霞中他時若見壽巖老
不妨添我為漁翁

東澗講主代顏森宣慰為沙門叅香山晉老有所
得游廣陵歸歌以餞之

聖元世臣東平王勲庸滿世笏滿床有孫稚節見翹楚
椿萱愛之期壽康人言西佛操厥柄身名幾欲見緇黃
邦楨誰忍坐朽腐才實天不淪荒唐迺聽其徒代祝髮
却為衆生變其法盡令救世行慈悲究竟世尊心不忍
愛烏自是余情真其徒況復真可人歸舟天地有明月
行脚江淮無好春題詩為向香山道山門苔滑今誰掃

人間難事龜脫筒等閒莫效俞清老

題玉關雪中竹石老木圖

郊原觸目荒寒天中有清致誰能傳此君特立節素著
枯槎亦復回春妍僵龍撓雲欲飛去翠鸞曳風寒自舞
蒼頑虎踞不記年一霄變化誰玉汝笑談萬象歸神奇
天工能畫自不知是有隱隱佳句却彼玉關先得之
俗師用色勢益窘林下風姿豈脂粉玉關佳處色是空
為君重作丹青引

題李元敬照磨明妃圖

臂香骨沁守宮虐金鎖重門怨銀鑰深宮有眼不識春
晝長時聽雲間樂平生所見惟監宮今朝豈期見畫工
君王知畫未知妾薄命已分如秋蓬黃沙漫漫天無窮
驚飈吹老紅芙蓉穹廬明日又何處此生遂負南歸鴻
和親納侮號上策建議詒謀婁敬責妾身雖苦免主憂
猶勝專寵亡人國關山寥落夢亦迷嫁雞正爾隨雞飛
人間生女莫望貴只可近作田家妻琵琶聲斷霜天月

青塚至今青不歇後來却有蔡文姬千古胡笳辱哀拍
題咬雲莊侍御為龐允中畫山水障

山人夙有愛山癖拄笏憑闌竟朝夕市朝一日不見山
便取畫圖張素壁吾鄉好山冠河朔萬丈嶄嶄倚空碧
維時秋清宿雨收百里浮嵐手堪挹昔年鼓勇踏其麓
已悔東南多履迹隆慮深處有仙境塵事無端苦相厄
南征馬上幾回首夢寐於今悵如失題封條爾到江湖
撲人猶覺烟霏濕恍疑着我洹水上西望太行才咫尺

題詩便當歸來篇請君光掃松間石

雪蓬歌贈廖楚村山長

人間塵土何地無道人自愛居江湖江湖佳處寫不盡
且復想像陳其疎有舟如葉君勿笑氣象乃欲吞堪輿
四時風景皆可樂歲晚獨與天游俱青山昨夜忽遁去
萬象一色涵冰壺眼界疑墮清虛府心境直造鴻荒初
道人箕踞受奇供但訝光恠生籊籊霜筠露籊政不俗
更欲緣飾為瓊琚湘江清碧俯見底嶽麓倒影寒縈紆

興來不省有物我短策獨立歌吳歆可憐翠被秦復陶
但賈憂患來攻毆莫言雪盡蓬遂廢敲雨承月仍相娛
寄題新建鄭同甫書帶軒

康成山中草如蠶世因強名為書帶雲仍取扁豈徒然
學業欲與康成配帶為書用亦所宜書不用帶腹貯之
但教長養莫除去風月無邊當自知

用原功韻餞陳衆仲提舉

七閩山水天下奇唐舉進士繇詹始清淑蛇虺發有時

紹興而還不勝紀我朝混一幾百州聲教漸被無荒陬
陳家有人尤秀出弱冠衆已推名流淵珠千仞出一綆
從此光華孰能駁六年樂育席為穿眼底諸公自臺省
五兩風順歸舟遲滿舟載文皆壁圭希聲直掃靡靡盡
正色上矗蒼蒼齊茲行小試穿楊手未許垂楊生左肘
欲論心事奈別何江海一觴期白首

題雲莊青山白雲圖

白雲舒卷初無心青山之青古復今雲兮於山何損益

自是幽澹攻相尋昔年下土旱肆虐有力足可為商霖
長風多事不相假悠悠歸來林壑深猶能粉澤作景物
怡悅方外供清吟雲山之人素知雲清冰寒玉明冒襟
偶從挂笏得爽氣肯與衆吏爭浮沉村墟野屋暮杳杳
風霜老樹秋森森小溪幾轉訝無路懸瀑半天如有音
雲舒雲卷目盡處一點隱隱浮遙岑九衢塵土沒馬首
安得此地投吾簪便當攜手共歸去披雲醉踏長松陰

牧牛圖

崢嶸春烟四十角已任秋成在人目曉耕課足得少休
付與東風一川綠飲罷犇眠各遂天餘力猶能事攻觸
牧兒心迹兩相忘鞭策不施伊自服撝叱如羊攀角上
負涉嬉嬉似遵陸服勤縱使骨羸錐乳蝼嗣勞仍有犢
犢兮更為慎芻牧公家租稅何時足問喘變和吾豈知
詩成聊備耕田曲

張騫乘槎圖

世言天河與海通浮槎歲來秋適中有人好奇羸糧從

源幾萬里吾其窮城郭何地倏此逢雲煙宮室相冥濛
見美而識雲鬢鬆西有癡絕牽牛翁問之蜀嚴能識儂
又言張騫昔使我乘此直沂崑崙東得石歸可夸兒童
曼倩侮世如瞽聾君平更躡虛無蹤茂陵方急開邊功
抵戲宜得博望封昔躬所無後乃叢豈非致此由鑿空稗官之
靡棟漫充千年孰抑荒唐風流傳幾時到畫工鉦可喻日聲
非容酒多且旨殺且豐萬事不用研初終安得畢卓吾將同

送劉安禮御史歸棘津

昔年旅食京華春動勦塵務窮朝曛相逢一語不暇盡
況得杯酒攄慙懃南來與君實同寅同方逾月仍袂分
人生離合劇萍水世情好惡從猶薰羨君讀書早樹立
峨峨法冠聳惠文風霜肅物未終考已辦事業流清芬
神羊天遣觸邪佞有羝突出甘敗羣皦然公議炳星日
肯使玉石真俱焚俗方任耳眩名實牛鬪驚蟻雷疑蚊
行藏有道且有命飄然我自樂我貧親闈咫尺躬滌瀉
綵衣獨速人微醺世間真樂此無比身外富貴徒紛紛

但恨多病疎麴生一尊何由傾倒君扁舟明日應回首
日暮江東多碧雲

池州驛有王君陽所畫老木滕王霄跋語二君皆
故人為作數語

何年髯王來此驛怒磔蒼髯挽椽筆想當奮筆一掃時
亂擁槎牙出東壁千霜百霆摧不盡坐使根柯成鐵石
誰謂毫端一寸鋒辦此人間萬牛力玉霄狂老亦可人
蛟蚪繚亂雲烟濕芳醪萬斛醉不死愈覺吐辭清可挹

當時京國俱從游滿幅持來渾不惜天涯一見眼為明
相逢況復曾相識我今妄受車服維所至規規專一室
跼然不待足音來二妙真堪慰岑寂

行建德縣民有訴作橋懼害者作徒杠行

霜餘溪湍息奔鬪農隙維時梁可構往來恐有病涉人
官著恒規誰敢後邑胥承帖來鄉里鄉民見胥如見鬼
督材斬木到坵壟致期視成毆婦子人未安行力已疲
冬無旨蓄雞先死田家雞盡真可哀邑宰旦夕行橋來

吁嗟此役本為利誰知為害翻百倍老癯偃僂訴且泣
莫遣吏監民自力治貪問瘼乃吾事去甚痛懲尤所急
老癯又言官試聽今日所知百無一我聞此語憤填膺
不可勝誅空太息安得落落寰區間盡是龍黃二千石

臨江見大船宏麗異甚賦賈客樂

鼓聲震蕩馮夷宮帆腹吞飽江天風長年望雲生長嘯
穩駕萬斛凌虛空主人揚州賣鹽叟重樓丹青照窗牖
斗帳香凝畫閣深紅日滿江猶病酒錢塘女兒靜且姝

臂金盈尺衣六銖憑闌飯飽觀戲魚清波照影紅芙蓉
江城到處時弭楫徧買甘鮮窮所悅千里携家任去留
一生為客無離別敦農抑商昧遠計遂使素封輕得意
握籌狡僧俯承命危坐咄嗟收厚利田廬彫弊君知否
終歲勤勞莫餬口夏稅未了秋稅來三十六策惟有走

安航齋

清江老人心休休宴息作屋才如舟人間論險莫逾水
剗剗有藉安浮游等閒覆溺政不少有家幸免斯何求

乃知平地足波浪大厦汎汎猶輕漚爭如容膝一齋小
泰宇凝寂天光收百年居險能脫險人海一葉隨沉浮
弦歌宛在水中沚竹樹不減滄江秋舟居無水陸無屋
一笑千載同悠悠若孫肯構恢萬斛欲事康濟攻藏脩
健帆風順更勉力直須擊楫窮瀛洲

太乙宮瑞荷為真人呂公賦

天地有水即有荷生意無盡根株多風人澤隰詠未既
一旦秀出瀟溪波中通外直寓至道比德君子無偏頗

非常之產亦時有駢花合實誰賡歌
如仙壇出奇供盆池一勺融天和
初疑扣盤合蒼玉又似夾袋裁青羅
呈祥應陋朱華穠定巢只許玄夫過
清風時來香襲人不用船藕痊沉疴
天涯太華幾時到漫說十丈高嵯峨
當年太一乘此舟煙波蕩漾游無何
此宮固宜有此瑞老仙異世真同科
便從太一共乘去奔霆瞬息窮天河

至正集卷七

欽定四庫全書

至正集卷八

元 許有壬 撰

古詩

七言十九首

送揭立禮用原功韻

設科昉自延祐年招徠賢俊闢四門太平盛典遂興舉
當國大臣精討論賓興人人重德行繼述在在聞王言
豈惟髦士登棧樸又恐絕壑遺蘭蓀拔幽風紀許授削

言事布韋令扣閣爾來何人眩國是舊章成憲如芟繁
祆虹飲竭北溟水欲使變化無鵬鷖亦知有時天未定
天地不老斯文存黃能永閑羽窟底剝盡而復貞而元
子方急養且歸去四海尚賴他人昆豐壯弱步退不勇
素餐愧我猶薇垣會觀桑榆酬東隅已掃姦穢空西園
車堅御良路可遠眼前未可定輕軒叔能贈言一舉手
猶勝杜老尋諸孫人間富貴土苴爾得似定省躬宸昏
題楊見心山水橫披

季主不見長安市子誰置之巖壑裏一朝袖得白雲來
不使青山去吾几清風襲人嵐濕衣山林朝市同一機
白頭利達復何問但欲此山從此歸

題同年王君冕芳潤亭

我生有恨未入秦佔畢詎盡山水真每聞聒聒說形勝
矯首空美西游人樊川真隱有佳處觸目便與終南親
終南振古青未了秀色排闥寒嶙峋玉山太白峙左右
變滅萬景昏復晨一亭風物宛隔世三時花木常如春

滴瀼瀼走庭下餘波遠溉斯為津亭中之人何所事
學有原抵筆有神英華瀝液日著見生香不斷流無垠
陸家徒說漱六藝心得乃與造化均人生有樂在道義
此外何物關吾身憶昔充賦來京師姓名一旦達紫宸
徒勞州縣二十載秋風兩鬢吳霜新亦知此地有捷徑
我車政爾方其輪清泉白石但無愧蝓屈時也寧非信
何年杖策遂一過巨觥盡洗胸中塵

贈李孝子和原功韻

倦游度關如度磧草色寒與霜俱白按圖地則仍塞垣
問俗今非祗金革柔遠雄盛角兩都二十年前我曾客
李孳孝行聞里閭滌隨怡愉躬旦夕母心憐女不忍嫁
嫁出吾門恩意隔子能養志安貧居姊遽從夫入窀穸
林宗何嘗貸五千爐韜自可來千百但有母斯有姊
詎肯同生不同室負甥真可繼賢躅輟饌猶能光史冊
寸草幾何殫此心白雲幸免傷於役矯情一分定寡恩
大笑子廉錢置席

李叔儀御史榮壽堂

丹砂貯井水漬紅甘谷大菊千萬叢居民子孫受滋液
里閭接武期頤翁棗強仙人世中土飯飲但與齊民同
一家四世皆上壽壽自有種天無功乃知丹砂與甘谷
只在若人方寸中翁今又復近八十目炯巖電顏如童
田娛里娛行不杖弄孫教子春融融子賢亢宗早馳譽
法冠峨豸方乘驄聖朝推恩敦孝治鄉邑五品疏恩隆
人間盛事及養志身外名位何卑崇可憐泉壤謾極品

封薄亦勝追之豈斯堂繼今世濟美我歌翁壽傳無窮

送界畫林一清赴台州

并序

予幼讀書江南舍書無所嗜買書苦無貲故於畫不能
有況能別乎入京游道廣時時有見鑒論品第咻
之積久因知古人以是名家亦豈易哉我朝傑出者
蓋可歷數十門諸品各見於世獨宮室臺閣名者罕
聞焉宣和秘藏所見不過唐尹繼昭五代胡翼衛賢
宋郭忠恕而已則知此藝世殆未易精也皇慶間王

震朋者名一時今得永嘉林一清予所知二人爾天地間事未有無法者畫雖一藝囿於繩矩而不為窘束乃可語其至奮筆作氣揮霍塗抹有足以聳動人者語其豪宕則可而未足語乎法也若夫千門萬戶正斜曲折廣狹高下毫釐之間不悖繩矩寓算家乘除之法此畫之有合於學而有用於世者也故界畫有可據以締構者有但觀美而施用繆悠者識者謂之可以拆架乃為得法此真知畫者哉一清多藝而

攻於此所謂圓於繩矩而不為窘東可以拆架者也
昔以岐黃術業供侍文宗青宮出官監滄州稅改台
州監倉副使其行士大夫餞之詩余序其首且為之

詩曰

天地萬物有規矩大匠胸中具樓閣有人悟此謝斧斤
筆鋒乃有公輸學千門密可數根闌萬間細不遺榱桷
鈎心鬬角矗蜂房各抱地勢分垠塉橫斜平直自棄除
高下蔽虧相脉絡按圖考制如指掌拆架不許差毫末

林君又得高古趣守法不受繩墨縛乃知作事貴有益
舍是但可資談謔有言贈子試靜聽阿房迷樓勿輕作
後來賢者識寓戒淫昏適足媒其惡子歸好究土階圖
聖治方將復淳朴

題原功舅李氏遺經閣

湘瀏望族隴西李四百餘年業詩禮藏家無金惟有經
建閣儲之付孫子子孫相繼百年中閣燬而復兵再燬傳
經有人豈終廢又見輦飛甍雲起秦宮漢闕鞠為墟札

柿誰能斧斤擬清門盛舉雖偶墜詩書厚澤流未已閣
能儲經俾嗣賢嗣能復閣為經侈經存閣廢武可繩經廢
閣存族俱圯直須經閣與吾嗣綿絡百世相終始眼前
風物總天成羣山連娟迤流水親朋一樽時宴聚談笑
無非杼文史豈惟道義淑吾宗遂見善良薰晉鄙有甥
翹翹金閨彥記文高與前賢峙三生應是魏陽元成此
宅相世濟美

薛子敬母壽康堂

人生有親期有壽壽而康寧世希有人生有子欲其賢
賢而復貴天何厚薛門有子號能養弃郡承歡備膏肓
謝家寶樹映萱草萊子綵衣輝白首只今稀年又逾十
扶掖尚不勞子婦東朝敬老示殊恩錦服侑以黃封酒
春風滿堂扇里間咨訝嘖嘖傳衆口人間福慶豈力致
積善已歷三世久聖朝浩蕩開壽域鳩杖時時授鮒者
願推四海均此慶直見曾玄印如斗

寄黃文復

吾友黃君字文復肥遁山林探理窟高情萬事等浮雲
獨於樹藝常吃吃枝頭能出二色花堂下羅栽多品菊
依牆泐砌僅存苔當戶繞池皆種竹非因百趾無所歸
五畝多應不容屋扁舟訪我黃鶴磯笑我人寰混塵俗
季也其徒頗好游簣土小山勞自築盆池纔貯數斗水
要看芙蕖紅映綠常聞種藕便得花葯須再歲生意足
君言我有已試方功比如船更神速土甃和餅壓汙泥
勻埋石繭清漣沃君歸十日見毫芒薏尖出水青猶曲

杖藜百繞望已切
茹才如線擎錢
齏鮮粧擁蓋渺何許
黃姜遽似經霜酷
其徒可笑又為辭
遇夜每遭蛙肆毒
新根食盡人莫知
遂使卵胎成殞殯
藪灰早用蠲氏典
定見亭亭雲錦簇
墨香千里忽飛采
欲驗平生橐馳術
我方絕倒力為疲
不覺開緘機再觸
蛙耶人耶未易究
政爾隍中夢蕉鹿
種蓮有道敢告君
近效小成車戒覆
人間七澤闊於天
會洗而今盆盎辱

謝洪憲副惠繭紙

汗牛編簡罄竹木蔡氏弊網功方興剡溪藤角會稽楮
文場擅美紛相仍東方妙製中天下照眼瑩滑涵春冰
清泉縻繭融玉液不動機杼成霜縉感公分惠到狂客
欲奉瓊瑤道途隔等閒肯造五鳳樓留草匡時萬言策

喜逢口

灤陽驛東北四十里山有雙塚世傳昔有久戍不歸
者其父求之適相遇此山下相抱大笑喜極而死遂
葬於是俗因謂之喜逢口亦猶望夫之有石也雖莫

究其世代姓氏而其言有足感人者故作是以紀之
兒寒解衣重撫摩兒飢推食孰忍訶長城與國遠負戈
一去不返當如何去時云戍東北鄙直出榆關度遼水
白頭郎罷與影俱宣憚山川十萬里天教此地適相逢
父曰從天墜吾子笑疲樂極俱隕身誰謂情鍾遽如此
官家開邊方未已同生又別寧同死山雲漠漠風颼颼
山頭雙塚知幾秋當時不忍一朝喜今日翻成千載愁
猶勝貞女化為石終古孤身雙不得清江寒影日悠悠

行人一去無消息

以墨贈伯庸

春風聯轡出瀛洲
兄署玉堂我倅州
倅州扉屨不遑給
況得操筆攻雕鏤
玉堂業攻代天語
泓穎日與兄為儔
黔川妙劑大盈尺
豹囊幾載勞慳收
中韜光燄待人發
我非其人難久留
黎芹菲獻意有在
要助揮灑昭皇猷
政如和弓到羿手
此不破筈將誰求
北門草制退食後
還寫新詩寄我不

紫微宮松花石

偉哉元工陶萬類翻覆洪纖等兒戲即死為生草化螢
蛻鱗附翼蛇成雉紛紛朽腐還神奇况復根柯本堅緻
長林絕壑雲霧深谷斤難及幽潛地由來長育不假土
盤結層崖出羔稚香流石髓日灌潤孕秀含貞真有自
風霜陵虐知幾年坐看寒暄變榮悴一朝老極枝葉殘
太古須眉失蒼翠誰知千尺歲寒姿幻作一拳山骨峙
紋理網繆節目存流脂尚漬皴膚膩棟梁雖廢大厦用

礎石政為明堂備琳宮老仙好事者不憚遠途三犢致
斯珍舊說出金華欲識無由今忽遂但恨米狂未及見
太湖靈壁勞兄事摩挲清氣凜生秋猶似半天風雨至
老僧指點笑且言君可寓意無留意石居吾室豈吾有
曾閱羸顛與劉躋詩成相對一掀髯大笑奇章牛氏記

觀刈

春耕耜軒載耜來夏耘竭力空蕪穢天時人事兩無失
一飽今知堪坐待農家到秋塞破屋此樂天今付貧倅

禾頭飽重垂拂根梓擦風聲傳銍艾月明健卒擔如飛
足繭肩頰汗流背一場方畝積無隙更向隣翁借車載
山妻啼飢已拭淚忙呼赤脚同掃碓餓夫不言但臆對
大嚼預搖三尺喙縱橫滯穗不假收西風肥殺鑽籬菜
覆田銅鞮宿榆社李氏小樓

市樓有階不可攀縱有風月無溪山中藏萬斛塵俗氣
擾擾歌舞羅翠鬟斯樓雖小獨全美四面青山一溪水
清風明月不用錢咫尺真須論萬里聚遠收奇景亦多

可憐騷客暫經過
主人力穡寧恤此
奈爾溪山風月何

琴峯夜月圖

有峯如琴青巔
有人能琴栖其間
携琴獨對琴峯彈
琴調况復彈高山
趣深境勝畫難巧
助清出奇天不慳
玉輪濕露軋遙碧
陰氛辟易開松闌
山人於時喜欲狂
清風入指傾潺湲
潛蛟起舞猿猱泣
石恠睥睨山英蹀
我聞至樂本無聲
底用兩手紛如翔
君有真琴未曾撫
倚空千尺嗟長閒
扶桑大繭如甕盎
我當為爾絃孱顏

中藏萬古不傳調奮臂一鼓驚區寰要令聳贖知蟻鬪
釣天歸奏通明班山人見此應絕倒山中有約何當還

錢舜舉關山行旅圖為馬良臣賦

江山信美非吾土何事飄飄無定所想因逐利利在途
遠駕車牛來服賈天寒日暮山路長羸牂鑿鞭背如堵
往來如織有底忙觸面相逢不相語琴書汨沒長安道
趣向雖殊實同苦人間蠻觸方紛爭得失區區都幾許
我行四方定何為十年夢斷江湖雨披圖浩蕩發詩愁

政爾關山作行旅

書事為友人賦

有梟突來居鳳池四翼濟惡喧一時面謾畫市恣攘攫
力障賢路為嶮崎燎原凶焰未易撲懸河偽辯公相欺
呼朋笑類布中外禍心包蓄將何為一朝奮出曰松者
怒挾彈射爭先之中天日月靡不照覆盆偶蔽天非私
從知貫盈敗可必曳兵棄甲何纍纍亦由遲速理有在
機來間不容毫釐體骸能與孟青抗傳車又向窮荒馳

九重清問既下達益者遐方皆內移君才磊落去就審
氣節不負先皇知因思鄙人昔孟浪詰難屢犯編須危幸
災仁者固不忍魯觀曾有聞人尸寄言同惡未及者早
宜改行懲吾詩

以畫鹿為太師壽

祁連山中有神鹿毛質千年似蒼玉芝香泉冽不肯留
來與仙人服雙轂仙人兩手握化機陶冶宇宙成雍熙
相看一笑陋昔典三公但見圖車輜洞中有天春不老

歲歲香風滿瑶仙人自有長生方更開壽域均八荒

至正集卷八

欽定四庫全書

至正集卷九

元 許有壬 撰

古詩 七言

題鄒福傳

福揭曼碩學士僕能小詩

鄭家婢亦知讀書男子況得依名儒處身雖卑心不爾
作事欲與高人俱服勞薪水安所事王尼為兵亦何愧
滕藏永保無羽化濁穢今真見蟬蛻衣冠巍然食君祿

婢膝奴顏恬取辱一生醉夢富貴中趣向正自慙鄉福
詩成主人手為抄肯使酤酒如王褒

李仲山都事號梅庭主人求詩

君不見韋表微裏行不樂拂袖歸松菊主人舍我誰淵
明百世其庶幾梅庭主人清而溫觀所為主知其人歲
寒萬木黯無色一脈獨得先天春烏臺翠栢翳幕府出
山人與栢為主含英散點白筆霜摧幹皆為鐵冠柱懷
歸夜夜夢故山佳人倚竹遲我還寧知要辨和鼎實蹤

迹未免留人間西湖皓月前村雪萬古清香吟不徹相
逢誰主復誰賓早脫塵凡見高節

贈解辰翁次卷中韻

理世輕士如泥沙長人論人當棄瑕竹頭木屑且適用
况犀有角象有牙螺江產才聞自昔我擷其實刊其葩
歐陽昔以文瑞宋千載炫爛五色霞澹菴風節後莫比
平園才德史所嘉只今有人淹冷職滿頭白髮纔黃麻
時無趙倫誰見怒官似鄭虔無用嗟何當汲引厲頑薄

色可變紫聲變龜從知君子志拔茅其如深文面削瓜
但令詩書世有嗣休羨人間燭上花

力疾對吳閑閑大宗師象焚香危坐而成詩

宵人本是山澤臞涉世政坐飢寒毆五年黃閣事何補
鍾作老病叢孱軀灤京歸來十浹日藥裹不可離須臾
平生結客半寰宇未免操瑟從齊竽可人底事期不來
承慶堂深誰可呼邇來亦復詩作崇清減益見風標孤
杜門却掃難折簡豈意惠然來畫圖相看一笑但臆對

妙契未許卮言斟清冰寒玉照林表和氣春風生坐隅
齋居頓覺俗氣遠高致已逼沉疴蘇我方歸思劇迅矢
公自有分居方壺過從此去計必少夢中道路多縈紆
便當卷奉江湖去願得始終如蜚驢

謝庫庫子山學士惠藤花

有賢大隱廬市居開國相君遺此廬相君勲業照寰宇
太祝有廳才一區傳家不用金滿簾樹藝之外皆詩書
春花未了秋又實坐看人世均榮枯東風一夕動芳籟

老藤滿架青紫紆今朝紫萼忽爛熳項筐采擷輸庖厨
憐予肺腑厭塵土分甘來與華箋俱予非虎頭食肉相
鸞塊適足脍其膚眼明清供傾錯落老饕便可辭膏腴
薄持一飽捫腹笑報之但愧無瓊琚

西巖野逸歌為彰德路總管杜弘道作

西巖歌歌西巖浮空千仞青嶄嶄烟蘿為滕霞為楫設
險不作殺與玉黃精春蕒蕃莫艾蕨香泉冽飫老饒世
鼎那復知酸醎下視野馬紛塵凡埜人心逸陶至誠誰

遣輕著從事衫方今登三五可咸忠蓋連茹遠佞讒梗
楠既收足檀欒縱有黃獨何由鑱鳳池烏臺冰照銜濟
世欲藉為風帆憶昔與子同謫謫攻堅政府非鼓儻吾
歸吾郡子復監勞不暇逸神所鑒山英它日敢子詰乃
知子志因民碧西巖歌歌西巖西巖之石美若瑊我辭
不佞君其斲

題雲莊為韓伯順作山高月小圖

黃州江山如有待直待坡仙發光采歲行回首幾壬戌

二賦人間故長在當時泛舟挽楫筆奔走蛟螭泣神恠
洪音蓬蓬號萬竅大塊茫茫歸一噫山高水深人何歸
獨有老月光不改孤峯嶄巖幾千仞下有清流鳴石瀨
蒼龍呀口一珠寒軋輪上覺天衢隘此時清致似當時
比竹誰能發天籟之人盡掃豪貴氣一片清紈收勝槩
按圖三呌臂欲飛夢香舊圖元修菜

題商德符為韓伯順畫山水圖

我朝善畫高尚書一變即至商曹南九方相馬迹固異

妙處均與造化叅韓家此圖更奇崛展看撲面浮清嵐
山疑近薄忽窈窕水若清淺中潭潭望之如仙山中人
便欲卜隣茅一菴紛紛道路何為者烟霞胡不窮幽探
人間多事行可遣村社薄酒吾能酣滿天清興屬何處
煮芹燒筍春方甘

瘍醫許同愈求詩

君昔市隱為逸民曾視軒冕如浮雲一朝金紫不容却
東華塵土同朝曛斯民瘡痍未能瘳我不可愈宜求君

宋清有道望報遠白岑秘方何足云

題郭熙小景

河陽老筆無丹青三生曾是山之英神機蓄久忽抒泄
意所到處皆天成初猶跬步營丘行久乃奔軼天衢亨
喬松大山聳物表高堂素壁長風生有時斂束作小景
咫尺已覺凌蓬瀛人間流落惜無幾好事只訝千金輕
中郎未許虎賁擬具眼能與秋毫爭但嗟縑素日弊墜
世無其畫空留名

孔學文奉先世毅夫先生元符三年甄敘告身求
題

西江之水接洙泗三鳳嗷嗷鳴一世臨川有鳶苦相嚇
不知鼠腐鳳所棄孟也攻訖不餘力文章荀楊乃其輩
中天振古有日月黨籍豈容無仲季漢唐而下觀趙宋
最號文明致隆治君臣舉措一至此有識未免為長喟
桑田變海綸誥存歸然不與靈光異聿修世篤此縱無
聖澤自可窮天地

題獨照長老文殊問維摩病圖

謂予不病形如削謂予果病神自若是在病與不病間
我不自知人豈覺有來見問意固厚轉語才形已糟粕
菩薩隨者億萬計丈室之中容綽綽將謂相逢說妙法
掀簸乾坤翻海嶽不知此事到此際難舉衡嵩等毫末
娟娟其妹來散花逢場豈亦資諧謔可憐弟子神氣微
盡力去華華不落天人本非革囊穢色香一瞬俱冥漠
只愁丈室忽塞破億萬菩薩何處著

小樓對閑閑宗師象因次舊韻寄之

鼎食不解肥我臞多病亦為山林敲巾車孤舟往所適
何往不可容微軀莫言五十未為老縱有七十來須臾
今年兩耳得差勝飽聽萬籟吹笙竽閒人多事迫詩債
埜老敗興時招呼小樓今日好風色目斷天末冥鴻孤
一時幽興豈容負况對蓬島神仙圖篆烟凝坐共心賞
盡醉更把空尊斟懷人未免有芥蒂處世已覺無廉隅
分江小鼎煮粟粒誅茅別墅營屠蘇遠山但藉一枝杖

中流誰辨千金壺菊籬秋香晚未減松窻月色寒相紆
我行不武分歛迹安得甘草資蛭驢

題米元暉山水

米家世以書名世馳譽丹青乃餘事小米觸處是天機
掃絕衆史庸俗氣家傳龍跳虎卧法分與冰紈作遊戲
亂雲重重護幽峭半樹紛紛立寒翠連綿欲盡不盡間
幾點蒼然入無際每因淺近寓深遠時出清雄變妍麗
人間流落特毫芒好事偶得宜珍秘虹光貫日爛不收

依稀尚有元暉字

徐復初種雲堂

翠鵲山中許道士，偈來神山遊戲爾。神山雖不是蓬瀛，
有竹萬竿斯可矣。種雲堂深六月寒，幽鳥啼碎青琅玕。
人間風日不到處，階蘚印翠何年乾。門前擺掇幾千畝，
秋豪吹香入新酒。主人遠在黃金臺，鶴怨猿驚亦知否。
我非山主苦愛山，山不我厭那忍還。欲言佳趣竟難寫，
試看日夕空濛間。

虎食隣豕

疲氓一豕闕歲計翁媪旦夕勞
峯視敢思口腹資禦冬
擬待今秋了租稅於菟乘夜襲
其壁攫去怒嚼無餘醢
豪家有羊過千百爾不掠剽寧有畏
乘虛凌弱犬亦恥
天賦爾質徒猛摯太山昔聞無苛政
荒村今復增酷吏
草萊蹂踐迹未泯是我昨日攀緣地
卞莊周處世豈無
畢竟爪牙何足恃

靜師感築歌

霜清萬籟于喁收老月軋露寒波流山僧具眼識野逸
醉挾楚竹來鳴秋一聲透空石盡裂剛風不掃雲夷猶
驚猿無地避清響木客為爾生新愁激揚初似士引角
嬌滑忽如鶯嚀喉驪珠熒熒細縷貫冰蠶繹繹獨繭抽
傳燈應自龜年來翫世定是靈師儔昌黎不用誚高唱
形骸放浪為真遊松陰盤石月正午諸僧舉白紛獻酬
歸眠禪榻有餘韻水聲號號風颭颭

題彰德監郡奇凌和叔登瀛圖

瀛洲杳在弱水東世有舟楫無由通自非真仙具兩翼
倏忽引去如輕鴻人間塵土幾萬丈誰知乃有登瀛翁
集賢堂館去天近松雲華霧春冥濛景清池勝默感觸
神遊恍惚空明中雲莊游戲實其幻落筆便有神仙風
望洋俯瞰萬頃碧振衣直躡千仞峯因知此境本非遠
此心到處皆瀛蓬眼前有道自不見爪棗可聞那可逢
秦皇漢武骨盡朽文成徐福欺愚蒙赤霄衝舉世誰見
仙與人道將無同翁今分節守千里未許遐想求虛空

政成但宜早解組西山儘可留吟筇人生至此即仙爾
底用辟穀成疲癯翁聞儂語應絕倒他日此圖當着儂

閔松

蹠林喬松閱千古八百里滿知幾樹越從毫末至叅天
不識人間有斤斧一朝混沌再開闢相宅龍岡來啓土
梯山航海水赴壑官署民居須棟宇工師求木破天荒
始聽丁丁就規矩樹藩板地徧郭郭萬億中才二三取
生齒日夥資樵蘇沙磧岐岡竭榛莽遂移殃福及此林

大鋸相加卧撐拄段分三尺已專車枝節紛披溢膏乳
槎牙根柢抉至泉百年運載無時住山童地赭鳥獸悲
陵遷谷變風雷怒偶憑高閣一縱目萬竈炊烟鬱玄霧
漸染人人服盡緇薰燎家家壁無素燧人濟世固有力
里巷亦療飢寒苦但悲明堂梁棟器及物之功正如許
貞姿勁氣養不易瞬見成灰了烹煮馬基彘槽尤可念
曰與蓬蒿同朽腐大材小用違所長多少傾欹無一柱
昆吾精鋼忍作針天孫雲錦難為屨聖人委吏雖不鄙

賢者伶官豈其伍嗟嘆不足形永歌聊為用才陳諷諭
題趙幹江樓風雨圖

人間叢爾東南畝金陵李家無遠謀詞華欲繼後庭曲
不見東風空小樓當時百事尚纖麗況在畫工專末技
洪河喬嶽昧平生曲闌幽檻窮清致石頭城下無重關
甲馬營中有佳氣九天飛墜曹將軍盡卷版圖充上計
小兒造化吁可憐乾坤又到宣和年君王搖毫自塗抹
片紙落世人爭傳坐看南北又分裂遂使兩家同一天

偶從斷縑閱小景慨念興亡豈天定而今蕩蕩混一圖
但少儂歸理漁艇

赤壁

孽瞞禍水劇趙女漢火餘光能幾許蜀方傳薪噓未然
吳偶束縕成一炬萬艘枯葦沃以膏空江如靺長風鼓
九淵鼎沸羹魚龍連營炭熾膳貔虎雄圖南紀成畫餅
匹馬華容作窮鼠坡翁乘興賦赤壁爛漫天機湧毫楮
偶從雪裏寫芭蕉又似驪黃不毛舉考圖求故此其地

疾惡千年若躬睹江山蕭條歲華晚興廢人間幾今古
買魚沽酒弔阿瞞醉和漁歌短蓑舞

遊君山岳州經歷善原道學正潘彥賓黃文復劉
光遠同行

蓬萊瀛海飛渡難世人可聞不可攀水環千里萃萬景
天下奇絕惟君山湘君南去九疑遠淚洒修竹留餘斑
祖龍肆毒赭不盡終天有恨埋烟靄長松豫章薈老翠
攢列巖壑為禪關梵宮蟠踞肇典午烟霞金碧爭孱顏

三湘晝夜助勺水兩湖今古浮連環霜空木落快一覽
坤倪軒豁呈天慳只疑六合總是水水外不復知塵寰
滄波白鳥入滅沒斜陽孤鶴才飛還洞庭龍祠縹緲見
蜃樓千尺搖青殷長風有時駕巨浪掀簸百怪愁神姦
操舟之人膽欲落回頭却羨山人間嗟予夙願今始慚
捫蘿拾級寧辭艱要窮勝事更繼畧列炬宿鳥從驚羶
禪房深處借一榻清夢已滌三生煩相從四子盡儒雅
詞源萬斛傾潺湲飛吟亭中酒未醒岳陽樓上詩方刪

片帆談笑又到此淋漓宮錦倒白綸五城攜手飛佩去
九霄清響流人間

湖南監憲布延實哩子謙昔為翰林學士奉使祠
天妃伯生有序送行徵詩其後

古來漕法無十令我元弘撫恢自天至元天子一四海
京師仰給東南田亂淮汴河畧汶泗遠躋瀛莫趨幽燕
盪泥踰埭幾跋涉留連歲月喧勞牽雲帆遼海聞自昔
東吳杭稻曾輸邊九重聽言獲大利萬艘遂發吳門船

晨興甫動望洋嘆暮炊已接蓬萊烟夜波陰火亂明滅
神姦恠狀呈蜿蜒檣摧纜斷一瞬間骸骨立腐饒蛟涎
天妃于時憫昏墊祥飈颭颭來雲輶漕官舟師續乃命
遂使京國豐年年禦災捍患著昔典詔使涓潔嚴犧牲
翰林學士北庭彥風骨自是人中仙候神將事盡誠慤
坐致流澤如原泉都人萬億飽紅腐豈知顆粒皆危顛
十年我亦索米者無功素餐尤赧然湘南邂逅識眉宇
繡衣大斧光相纏紀功他日有佳傳我歌敢重青瑤鐫

題周元玉北山堂

北山主人薄軒冕五十歸來已云晚眼空塵世但覺隘
却愛鷦鷯一枝穩有松萬壑竹千畝有菊三徑蘭九畹
四時種植常不遑組綬難縈去往返生兒京國蚤蜚英
玉磬清溫明紀甌姓名籍甚在搢紳奮翼駸駸上林苑
白雲一夕忽入夢歸心如水平從瓊建功名身外等土苴
修瀟堂前盡愉婉惠然過我琅璫山水陸跋涉不憚遠
論文尊酒花柳間已謝遊春曲江憶我言子歸真得計

鄙俗何知笑連蹇且求至樂在天倫但恐富貴來衮衮
登祝融峯

萬山南紀嶽乃衡祝融在嶽尤崢嶸諸峯羅列七十二
凜如子弟從父兄欲窮高險破曉去肩輿困處甘徒行
不知石磴歷多少但見腳底雲烟生千巖競秀路忽轉
遠翠已復來相迎人間韋社天尺五茲山去天尺不盈
洞庭一勺見隱隱齊州九點紛營營我行正值好風景
節序今日維清明幽禽遠近鳴欲碎野花濃淡開無名

梵宮燹後僧未散鄴侯仙去山為輕危梁飛躡者誰子
等閒命與顛崖爭入春淫雨日五浹天幸有此三日晴
平生夢想偶一遂敢效韓子誇精誠刻名蘚溜盡漫泐
朱鳳不聽嗷嗷聲太山未敢小天下歲晚好繼朱張盟
昭靈江樓分韻得法字


湘江暎烟動浮鴨柔櫓半天來軋軋昭靈灘上夕陽中
猶見祝融青一髮江樓酒賤花滿山萬斛好春天不恕
散人今日百事無詩籌尚畏申商法

徐叔清萬松嶺

山人住山手自鋤當時種松逾萬株
山人仙去松故在黑雲十丈寒縈紆
十年種木昔有訓山人乃作千年圖
子孫孫子謹封植休羨人間五大夫

題徐叔清野堂

野堂主人堂高原萬松嶺下五畝園
幾年輕葺此數仞肯構有子仍有孫
堂東書齋翳脩竹堂北水門羅清尊
城中塵土沒馬首聽我策杖時敲門



至正集卷九